



---

Krizni štab Ministarstva zdravstva, rada i socijalne politike Unsko-sanskog kantona

Krizni štab Ministarstva zdravstva, rada i socijalne politike Unsko-sanskog kantona, u cilju daljnjeg praćenja situacije i poduzimanja mjera radi sprječavanja i ranog otkrivanja slučajeva bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, a od strane Vijeća ministara Bosne i Hercegovine, dana 17.03.2020.godine, proglašena kao stanje prirodne nesreće na cijelom području Bosne i Hercegovine, analizirajući situaciju na području Unsko-sanskog kantona, u skladu sa odredbama Pravilnika o organizaciji i načinu rada Kriznog štaba Federalnog ministarstva ("Službene novine Federacije BiH", broj 10/12), na osmoj sjednici, održanoj dana 18.03.2020. godine, donio je sljedeću:

## N A R E D B U

### I

Obustavlja se rad svih ugostiteljskih objekata za pripremanje i prodaju hrane i pića: restorana, pizzeria, slastičarni, čevabdžinica, nargila barova, caffè i bistro barova, klubova, diskoteka, rad kafića u sklopu benzinskih pumpi, tržnih i shopping centara, kao i rad kazina i sportskih kladionica na području Unsko-sanskog kantona, do daljnjeg. Od ove naredbe se izuzimaju oni ugostiteljski objekti koji se, pismenim putem prema Kriznim štabovima gradova/općina, izjasne da će obavljati isključivo dostavu hrane, uz pridržavanje mjera zaštite i fizičkog razmaka prilikom dostavljanja hrane i pića, s tim da i dalje ne smiju služiti hranu i piće u objektu, niti primati goste u objekte, pod uslovom da imaju važeće rješenje/odobrenje za rad izdato od strane nadležnog organa. Hotelima, hostelima, motelima i apartmanskim smještajima se dozvoljava prijem gostiju na noćenje uz obavezu dostavljanja podataka Ministarstvu zdravstva na adresu [zdravstvo@vladausk.ba](mailto:zdravstvo@vladausk.ba) i kantonalnoj upravi za inspekcijske poslove [inspekcija@vladausk.ba](mailto:inspekcija@vladausk.ba), uz pojačanu primjenu higijenskih mjera i mjera dezinfekcije. Rok: Do daljnjeg;

### II

Obustavlja se rad kulturnih institucija: biblioteka, kina, muzeja, pozorišta, umjetničkih galerija i slično na području Unsko-sanskog kantona. Rok: Do daljnjeg;

### III

Obustavlja se rad javnih bazena i kupališta, sportskih centara, spa centara, fitnes centara, teretana i slično na području Unsko-sanskog kantona. Rok: Do daljnjeg;

### IV

Otkazuje se i zabranjuje održavanje svih javnih skupova u Unsko-sanskom kantonu, kao i privatnih skupova, svadbi, proslava i drugih okupljanja, kako u organizaciji pravnih tako i fizičkih lica, Rok: Do daljnjeg;

### V

Ograničava se radno vrijeme administracije na području svih gradova i općina Unsko-sanskog kantona i rad se organizuje (uvodi) u vremenu od 8,00 do 13,00 sati. Organima upravljanja, upravnim organizacijama, institucijama i drugim kojima je osnivač USK ili grad/općina nalaže se da sagledaju mogućnost skraćivanja radnog vremena i smanje potreban broj uposlenika sa periodičnim rotiranjem, zbog redukcije međusobnih kontakata. Rok: Do daljnjeg;

### VI

Obustavlja se rad svih shopping/tržnih centara, frizerskih i kozmetičkih salona, drogerija, butika i ostalo.

Dozvoljava se rad trgovina osnovnim prehrambenim artiklima: supermarketima, hipermarketima, minimarketima, pekarama, apotekama, poljoprivrednim apotekama i trgovinama za hranu životinja, benzinskim pumpama (osim djela za pružanje ugostiteljskih usluga), mesnicama, kioscima ili zatvorenim prodavnicama voća i povrća.

Dozvoljava se rad trgovinama građevinskog materijala, trgovinama auto dijelova, te rad građevinskim firmama, mehaničarskim radnjama i sličnim servisnim djelatnostima, uz obavezne pojačane mjere zaštite uposlenika i kupaca uz pojačanu primjenu higijenskih mjera i mjera dezinfekcije.

Svim trgovinama sa dozvolom rada u ovim okolnostima, propisuje se obaveza zabrane grupisanja kupaca i označavanje na blagajnama i ulazima rastojanja među kupcima od najmanje dva metra, a rad se organizuje u vremenu od 08:00 do 18:00 sati. Rok: Do daljnjeg.

## VII

Zabranjuje se svaki vid ulične prodaje, rad buvljih, sedmičnih pijaca, autopijaca i sličnih, kao i rad zelenih pijaca do daljnjeg. Rok: Odmah;

## VIII

Nalaže se svim lokalnim samoupravama, kantonalnim upravama, privrednim društvima, fizičkim i pravnim licima na području Unsko-sanskog kantona da pojačaju provođenje opštih i posebnih mjera zaštite stanovništva od zaraznih bolesti, sa posebnim naglaskom na pojačanu vanrednu dezinfekciju poslovnih površina, te postavljanje dozatora sa dezinficijensom ispred ulaza. Nalaže se zabrana javnog prevoza (autobusi, taxi vozila, kombi vozila) na području Unsko-sanskog kantona. Rok: Do daljnjeg;

## IX

Zabranjuje se okupljanje građana na javnim igralištima, igraonicama, parkovima i drugim javnim površinama na području Unsko-sanskog kantona, u cilju zaštite zdravlja stanovništva, u skladu sa prisutnim epidemiološkim rizicima. Zabranjuje se svako privatno okupljanje građana na javnim površinama u periodu od 20:00 do 05:00 sati, te se preporučuje izbjegavanje svakog kretanja koje nije neophodno u nevedenom periodu. Rok: Do daljnjeg;

## X

Zabranjuje se provođenje vjerskih obreda svim konfesijama na području USK, a koje podrazumijevaju okupljanje većeg broja vjernika na jednom mjestu, do daljnjeg. Rok: Odmah;

## XI

Nalaže se Službi za poslove sa strancima da odredi, u saradnji sa Međunarodnom organizacijom za migracije (IOM), unutar svih privremenih prihvatnih centara u USK, a čiji su upravitelji (Bira i Borići u Bihaću, Sedra u Cazinu i Miral u V. Kladaši), da odrede izolacione prostorije u koje bi se mogli izmjestiti sumnjivi slučajevi migranata i tražioca azila iz tog prihvatnog centra. Nalaže se inspektorima Službe za poslove s strancima da vrše nadzor nad poštivanjem mjera samoizolacije u izolacionim sobama ovih prihvatnih centara.

Zabranjuje se kretanje i izlazak migranata izvan privremenih prihvatnih centara na području USK (Bira, Miral, Sedra, Borići), kao i svaki drugi vid kretanja migranata na području USK.

Nalaže se hitno izmještanje migranata koji se nalaze na ulicama, napištenim objektima, privatnim smještajima i drugim mjestima van naseljenih područja USK.

Zabranjuje se prevoz migranata svim prevoznim sredstvima: Talgo voz, autobusi, kombi, taxi i drugo prema USK, kao i prevoz na području USK. Osim prevoznim sredstvima zabranjuje se ulazak migranata koji idu pješice na područje USK.

Zabranjuje se smještaj migranata u privatne smještajne jedinice, tj. individualne stambene objekte, stanovi i kuće. Rok: Odmah;

## XII

Nalaže se, da se pored higijensko-epidemioloških službi domova zdravlja, u kontrolu osoba kojima su izdata rješenja o samoizolaciji ili zdravstvenom nadzoru, uključe gradski/općinski komunalni redari i inspektori kojima će se od strane nadležnih organa grada/općina izdati odobrenje za sanitarni nadzor. Rok: Odmah;

## XIII

Zadužuju se savjeti mjesnih zajednica da obavještavaju gradske/općinske krizne štabove i nadležne policijske stanice o poznatim kretanjima osoba kojima su izdata rješenja o kućnoj izolaciji u svojim mjesnim zajednicama. Zaduju se svi predstavnici etažnih vlasnika u zgradama da odmah, u saradnji sa upraviteljima poduzmu mjere pojačane dezinfekcije i čišćenja svih zajedničkih prostorija i površina. Rok: Odmah;

#### **XIV**

Prilikom ukopa umrlih Krizni štab preporučuje obavljanje obreda sa minimalnim brojem prisutnih (uži članovi porodice) uz pridržavanje mjera minimalnog socijalnog kontakta (bez fizičkog kontakta). Rok: Kontinuirano;

#### **XV**

Nalaže se organima upravljanja, upravnim organizacijama, institucijama, javnim ustanovama, preduzećima i ostalim pravnim subjektima koji se bave pružanjem usluga građanima (elektrodistribucija, telekomi, pošta, šalter sale gradova/općina, banke i sl.) da uvedu dvokratno radno vrijeme, gdje će između dva radna vremena izvršiti dezinfekciju prostorija i površina. Preporučuje se i da izvrše racionalizaciju potrebnog kadra za obavljanje rada u skladu sa pojačanim higijensko-epidemiološkim mjerama. Svi navedeni subjekti obavezni su dostaviti informaciju o poduzetim mjerama Kriznom štabu na mail adresu: [zdravstvo@vladausk.ba](mailto:zdravstvo@vladausk.ba). Dezinfekciju mogu obavljati HES Domova zdravlja, veterinarske stanice i privatni sektor. Rok: Do daljnjeg;

#### **XVI**

Traži se od nadležnih inspekcija da sankcionišu svaki rast cijena prehrambenih i svih drugih artikala. Rok: Odmah i kontinuirano;

#### **XVII**

Od Ministarstva obrazovanja, nauke, kulture i sporta USK, nalaže se da sagleda mogućnosti da nastavno osoblje obavlja potrebne aktivnosti od kuće. Rok: Odmah i kontinuirano;

#### **XVIII**

Poslodavcima se preporučuje da prilikom organizacije posla, u skladu sa aktuelnom epidemiološkom situacijom, iskažu razumijevanje za osobe koje boluju od hroničnih bolesti koje za posljedicu imaju oslabljen imunitet, kao i za osobe koji su roditelji ili staratelji djece ili osoba sa posebnim potrebama.

Poslodavci trebaju radnicima dati upute za rad od kuće, ukoliko je to zbog prirode posla moguće odnosno ukoliko to proces rada dozvoljava.

Poslodavci trebaju omogućiti korištenje godišnjeg odmora, radnicima preko 55 godina starosti i hroničnim bolesnicima, kao i korištenje odsustva u skladu sa zakonom, kolektivnim ugovorom ili pravilnikom o radu.

Poslodavci će radnicima, roditeljima malodobne djece do 10 godina i djece sa posebnim potrebama omogućiti odsustvo sa posla jednog roditelja, u slučaju da oba rade ili ako je samohrani roditelj. Rok: Odmah;

#### **XIX**

Nalaže se Ministarstvu unutrašnjih poslova pojačana kontrola vozila sa inozemnim registarskim oznakama. Rok: Kontinuirano.

Ova Naredba zamjenjuje Naredbu broj 09-33-3099-3/20 od 17.03.2020. godine.

**Broj:** 09-33-3099-4/20,  
**Bihać,** 18.03.2020. godine.

**Predsjednica Kriznog štaba MZRSP USK**  
**Ministrica**  
dr.sci.prim.Nermine Čemalović, s.r.